

**Ákvörðun Samgöngustofu nr. 52/2014 vegna kvörtunar um seinkun flugs
WOW Air, WW201 þann 30. apríl 2014**

I. Erindi

Þann 12. maí sl. barst Samgöngustofu kvörtun frá A (hér eftir kvartandi). Kvartandi átti bókað far með flugi WOW Air (WOW) WW201 þann 30. apríl sl. frá Keflavík til London kl. 06:45. Brottför seinkaði hins vegar og var raunverulegur brottfarartími kl. 15:25. Var farþegum tjáð að seinkunin væri vegna verfallsaðgerða á Keflavíkurflugvelli. Reyndin varð hins vegar sú að ekki varð af hinum boðuðu verfallsaðgerðum. Kvörtuninni fylgdu tölvupóstsamskipti við WOW þar sem WOW tekur m.a. fram að vegna fyrirhugaðs verfalls starfsmanna Isavia hafi verið tekin sú ákvörðun 29. apríl að sameina morgunflug WOW til London við síðdegisflug og að markmið þessara breytinga hafi verið þau ein að draga úr óþægindum og óvissu vegna fyrirhugaðra verfallsaðgerða starfsmanna ISAVIA.

Kvartandi fer fram á skaðabætur í samræmi við reglugerð EB nr. 261/2004 sbr. reglugerð nr. 1048/2012.

II. Málavextir og bréfaskipti

Samgöngustofa sendi WOW kvörtunina með tölvupósti til umsagnar þann 13. maí og ítrekaði þau 16. júní þegar ekkert svar barst. Engin umsögn barst þrátt fyrir ítrekun en SGS ákvað að notast við umsögn félagsins sem barst þann 31. júlí sl. vegna kvörtunar um flug þess til Kaupmannahafnar þennan sama dag.

Í umsögninni er vísað í 3. mgr. 5. gr. reglugerðar EB nr. 261/2004 þar sem fram komi undantekning frá skyldu flugrekanda til greiðslu skaðabóta vegna aflýsingar eða seinkunar á flugi. Sé það í fyrsta lagi vegna óviðráðanlegra aðstæðna og í öðru lagi ef hægt sé að sanna að aðili hafi ekki getað afstýrt þeim óviðráðanlegum aðstæðum er leiða til aflýsingar eða seinkunar. Vísað er á vef Samgöngustofu þar sem eftirfarandi skýringu á skyldu til flugrekanda til bótareiðslu sé að finna:

„Ábyrgð flytjanda getur fallið niður að hluta eða öllu leyti skapist óviðráðanlegar aðstæður sem ekki er mögulegt að afstýra, jafnvel þótt gerðar hafi verið allar nauðsynlegar ráðstafanir. T.d. geta slíkar aðstæður skapast af völdum, verfalla sem geta haft áhrif á starfsemi flugrekanda.“

Þann 30. apríl sl. hafi verið yfirvofandi verfall starfsmanna Isavia. WOW hafi reynt með góðum fyrirvara að koma til móts við þá farbega sem vildu komast hjá óþægindum, ef til fyrirhugaðra verfallsaðgerða kæmi með því að bjóða öllum farþegum sem áttu bókað flug

þennan dag að breyta flugi sínu. Kostnaður sem annars er innheimtur við breytingu á flugi hafi verið felldur niður en ef fargjaldamunur hafi verið á fluginu hafi þurft að greiða hann. Þó nokkur fjöldi farþega hafi nýtt sér þetta boð.

Flugáætlun WOW hafi haldist óbreytt þar til um miðjan dag 29. apríl eða eftir að slitnað hafði upp úr samningaviðræðum Ríkissáttasemjara og Isavia. Útlit hafi verið nokkuð svart og menn ráðþrota varðandi mögulega ringulreið og óþægindi sem verkfallið kæmi til með að valda. WOW hafi ákveðið seinnipart dags, þegar ekkert nema neikvæðar fréttir höfðu borist úr húsakynnum Ríkissáttasemjara og rúmir 10 tímar hafi verið í að verksfall skyldi skella á, að grípa til aðgerða.

Til að lágmarka tjón og óþægindi farþega WOW, sem margir hverjur hefðu verið af erlendu bergi brotni og tímamismunir á milli landa nokkur, hafi verið tekin ákvörðun um að færa flug morguninn eftir í þeirri von að verfallsaðgerðir væru yfirstaðnar seinnipartinn. Í ljósi þess að ekki hafi verið nema tvö flug morguninn eftir hafi verið vel gerlegt að ná í farþega og tilkynna þeim breytingarnar. Ef flugin hefðu verið fleiri morguninn eftir, hefði þessi möguleiki ekki verið í stöðunni. Farþegum hafi í kjölfarið send tilkynning um breyttan flugtíma og á sama tíma boðið að breyta fargjaldi sínu án kostnaðar innan 14 daga, ef þau gætu ekki nýtt sér seinnipartsflugið daginn eftir. Á þessum tímapunkti hafi jafnframt verið ákveðið að breytingin væri endanleg.

Þegar minna en 10 tímar hafi verið þangað til verfallsaðgerðir áttu að hefjast hafi komið yfirlýsing þess efnis að verfallinu yrði frestað þar til 22. maí. Í ljósi þess að meiri líkur en minni væru á verfallsaðgerðum Isavia þann 30. apríl er sérstaklega bent á 14. tölviliðs inngangs reglugerðar EB nr. 261/2004 þar sem fram kemur að skyldur flugrekanda takmarkist við ákveðin tilvik, eins og verksfall sem hafur áhrif á starfrækslu flugfélags.

Þrátt fyrir að ekki hafi orðið af verfallsaðgerðum, þá verði að horfa til þess að allt útlit hafi verið fyrir verksfall seinnipart dags 29. apríl eða þegar rúmlega hálfur sólarhringur hafi verið til stefnu. WOW hafi tekið þá ákvörðun í ljósi þeirra upplýsinga sem lágu fyrir að reyna að takmarka tjón og óþægindi farþega, hér á landi sem og erlendis með því að aflýsa flugi morguninn eftir. Þegar minna en 12 tímar hafi verið þar til fyrsta vél félagsins átti að fara í loftið hafi komið yfirlýsing þess efnis að samningar hefðu náðst.

WOW telji aðgerðir þessar uppfylla skilyrði 3. mgr. 5. gr. reglugerðar EB nr. 261/2004. Um hafi verið að ræða óviðráðanlegar aðstæður eða fyrirhugað verksfalls 3. aðila. Vegna þessara fyrirhuguðu aðgerða hafi félagið orðið að grípa til neyðarúrræða. WOW telji sig hafa uppfyllt allar sínar skyldur í málinu.

III. Forsendur og niðurstaða Samgöngustofu

Neytendur flugþjónustu eða aðrir sem hagsmuna hafa að gæta sem telja að flugrekandi, flytjandi, ferðaskrifstofa eða umboðsmaður framangreindra aðila hafi brotið gegn skyldum sínum samkvæmt lögum um loftferðir nr. 60/1998 eða reglugerðum settum á grundvelli

þeirra geta beint kvörtun til Samgöngustofu, sbr. 1. mgr. 126. gr. c. loftferðarlaga. Stofnunin tekur málið til skoðunar í samræmi við ákvæði laganna og stjórnsýslulaga og sker úr ágreiningi með ákvörðun, sbr. 3. mgr. 126. gr. c og 140. gr. loftferðalaga, ef hann verður ekki jafnaður með öðrum hætti. Sú ákvörðun er bindandi.

Um réttindi flugfarþega er fjallað í reglugerð EB nr. 261/2004 um sameiginlegar reglur um skaðabætur og aðstoð til handa farþegum sem neitað er um far og þegar flugi er aflýst eða mikil seinkun verður, sem var innleidd hér á landi með reglugerð nr. 1048/2012. Samkvæmt 3. gr. reglugerðar nr. 1048/2012 er [Samgöngustofa] sá aðili sem ber ábyrgð á framkvæmd reglugerðarinnar samanber 16. gr. reglugerðar EB nr. 261/2004.

Um seinkun á flugi og þá aðstoð sem flugrekandi skal veita í slíkum tilvikum er fjallað um í 6. gr. reglugerðar EB nr. 261/2004. Þar kemur hins vegar ekki fram með skýrum hætti að flugrekandi skuli greiða bætur skv. 7. gr. reglugerðarinnar vegna tafa eða seinkunar eins og átt getur við þegar flugi er aflýst sbr. 5. gr. reglugerðarinnar. Með dómi Evrópusjóðsins frá 19. nóvember 2009, í sameinuðum málum C-402/07 og C-432/07, komst dómstóllinn að þeiri niðurstöðu að túlka bæri reglugerð EB nr. 261/2004 með þeim hætti að farþegar sem verða fyrir seinkun á flugi sínu sbr. 6 gr. reglugerðarinnar, eigi að fá sömu meðferð og farþegar flugs sem er aflýst sbr. 5. gr. Af þessu leiðir að allir farþegar sem verða fyrir þriggja tíma seinkun á flugi sínu eða meira, og koma á ákvörðunarstað þemur tímum síðar eða meira en upprunalega áætlun flugrekendans kvað á um, eiga rétt á bótum skv. 7. gr., nema flugrekandi geti sýnt fram á að töfin hafi verið vegna óviðráðanlegra aðstæðna sem ekki hefði verið hægt að afstýra jafnvel þótt gerðar hefðu verið allar nauðsynlegar ráðstafanir sbr. 3. mgr. 5 gr. reglugerðarinnar. Þetta dómafordæmi var staðfest með dómi Evrópusjóðsins í máli C-11/11 og hefur nú einnig verið lögfest með 6. gr. reglugerðar nr. 1048/2012.

Loftferðalögum nr. 60/1998 og reglugerð EB nr. 261/2004 er ætlað að tryggja ríka vernd fyrir farþega sem neytendur flugþjónustu. Meginreglan samkvæmt reglugerð EB nr. 261/2004 er réttur farþega til skaðabóta skv. 7. gr. reglugerðarinnar sé um að ræða aflýsingu eða mikla seinkun á brottfarartíma flugs og ber að skýra undantekningarreglu 3. mgr. 5. gr. reglugerðarinnar þróngt, sbr. dóm Evrópusjóðsins frá 22. desember 2008, í máli C-549/07 *Friederike Wallentin-Hermann v Alitalia* og almennar meginreglur um túlkun lagaákvæða.

Nánar tiltekið kveður 3. mgr. 5. gr. reglugerðar EB nr. 261/2004 á um að flugrekanda beri ekki skylda til að greiða skaðabætur ef hann getur fært sönnur á að flugi hafi verið aflýst af völdum óviðráðanlegra aðstæðna sem ekki hefði verið hægt að afstýra jafnvel þótt gerðar hefðu verið allar nauðsynlegar ráðstafanir.

Álitaefnið í þessu máli er hvort að seinkun flugs WW201 hafi verið sökum óviðráðanlegra aðstæðna. Í umsögn sinni víesar WOW í 14. inngangstölulið reglugerðar EB nr. 261/2004 þar

sem fram kemur að óviðráðanlegar aðstæður geti t.a.m. skapast vegna verkfalla sem áhrif hafa á starfsemi flugrekandans. Hins vegar er ljóst að í reynd varð ekki af verkfalli.

Til tímabundinna verfallsaðgerða starfsmanna Isavia kom daganna 8., 23. og 25. apríl þar sem starfsmenn lögðu niður störf kl. 04:00 – 09:00. Boðað var til allsherjarverkfalls þann 30. apríl kl. 04:00 sem standa skyldi þar til annað yrði ákveðið.

Samgöngustofa lítur svo á að verkföll geti talist til óviðráðanlegra aðstæðna sem valda því að bætur vegna aflýsingar eða mikillar seinkunar falli niður. Hins vegar beri flugrekanda að sýna fram á að gripið hafi verið til allra mögulegra ráðstafana til þess að takmarka hugsanlega röskun á flugi og þann fjölda farþega sem fyrir röskuninni urðu.

Ljóst er að yfirvofandi verfallsaðgerðir Isavia vörðuðu atriði sem WOW hafði enga stjórн á og féll þannig að öllu leyti utan stjórnunarsviðs félagsins. WOW stóð frammi fyrir talsverðri röskun á áætlun sinni og átti um þá kosti að velja að færa flug til eða halda að sér höndum. WOW tók ákvörðun um að færa til ákveðin flug vegna hinnar yfirvofandi verfallsaðgerða. Telja verður að ákvörðun WOW hafi, á þeim tíma, verið til þess fallin að vera farþegum í hag og tryggja að þeir kæmust á leiðarenda svo fljótt sem verða mætti. Samgöngustofa gerir því ekki athugasemdir við framangreindar aðgerðir WOW.

Hins vegar ber að líta til þess að hinrar boðuðu verfallsaðgerðir voru ótímabundnar. WOW gat ekki verið í vissu um að aðgerðirnar yrðu liðnar hjá á þeim tíma sem hið breytta flug átti að fara í loftið. Í umsögn WOW kemur fram að umdeildar tilfærslur á flugum hefðu verið gerðar í þeirri von að verfallsaðgerðir væru yfirstaðnar seinnipartinn. Það liggur fyrir að forsendur á bak við breytingar breyttust þegar ljóst varð að ekki mundi verða að hinum yfirvofandi verfallsaðgerðum. Samgöngustofa telur að ekki sé hægt að líta framhjá því að rúmar 12 klukkustundir voru á milli þess sem fréttir bárust af því að verfalli Isavia hefði verið aflýst og þar til flug kæranda var á áætlun. Samgöngustofa áréttar að sönnunarbýrðin um að seinkun eða aflýsing flugs sé af völdum óviðráðanlegra aðstæðna hvílir alfarið á flugrekandanum skv. 3. mgr. 5. gr. reglugerðar EB nr. 261/2004. Eins og fram kemur að framan fellst Samgöngustofa á rökstuðning WOW varðandi ástæður þess að flugið var fært til í upphafi. WOW hefur hins vegar ekki fært fram haldbær rök um ástæðu þess að ekki var hægt að færa flugtíma aftur í upphaflegt horf þegar ljóst var að ekki yrði af verfalli og enn voru 12 tímar til stefnu. Samgöngustofa telur að WOW hafi ekki sýnt fram á að féluginu hafi verið ógerningur að breyta flugtínum aftur í fyrra horf, eða að flýta fluginu eins mikið og hægt væri og takmarka þannig þá seinkun sem orðið hafði á upphaflegu flugi. Einnig ber að líta til þess, sem fram kemur í umsögn WOW, að á þeim tímapunkti þegar ákveðið var að gera umræddar breytingar á flugunum, hafi jafnframt verið ákveðið að breytingin væri endanleg. Þannig virðist hafa legið fyrir frá upphafi að ekkert yrði til þess að flugtímar yrðu færðir aftur í fyrra horf eða flugi flýtt til að takmarka seinkun.

Samgöngustofa lítur því svo á að WOW sé bótaábyrgt vegna umræddrar seinkunar.

Ákvörðunarnar ð

WOW Air skal greiða kvartanda bætur að upphæð 400 evrur skv. b-lið 1. mgr. 7. gr. reglugerðar EB nr. 261/2004 sbr. reglugerð nr. 1048/2012.

Ákvörðun þessi er kæranleg til innanríkisráðuneytis skv. 3. mgr. 126. gr. c loftferðalaga nr. 60/1998 og 18. gr. laga nr. 119/2012 um Samgöngustofu, stjórnsýslustofnun samgöngumála. Kæra skal berast ráðuneytinu innan þriggja mánaða frá því að viðkomandi var tilkynnt um ákvörðun þessa.

Reykjavík, 19. nóvember 2014

Ómar Sveinsson

Sigrún Henríetta Kristjánsdóttir